

新疆大記補編

新疆大記補編

新疆大記補編卷二下

江寧吳廷燮撰

水

葱嶺兩河以及于闐爲河初源鄭注詳之杜典疑之實則雍州本賅西域崑崙渠搜已見禹貢導河積石不言崑崙夫豈無謂今則溝渠引溉愈多北河之委竟漸堙廢必曰河源或近泥古今據圖志舉列諸川側重新名庶人易曉闢地愈廣見水愈多本源所在昔未詳者今有圖志循是以往川津之現必日增多小水小渠勢難遍錄舉要可矣

新疆南路大川爲塔里木河上源有三一曰喀什噶爾河出葱嶺東流是爲葱嶺北河北河三源一源出帖列克達坂東格爾瑪達坂匯爲廊克蘇河又東爲得爾必楚克河一源出喀喇庫勒北東流爲闐拜里河又東爲瑪爾坎蘇河和色爾河自西南來注之又東爲烏蘭河又東過疏勒城爲

喀什噶爾河又東圖舒克塔什河合伊蘭烏瓦斯河自北來注之又東入伽師境出龍口橋分支爲洪水河又入巴楚境又東與洪水河合其北河故道在洪水河北斷流已久又東過巴楚城北又東折西南流入草湖逕大戈壁與葱嶺南河會一源出哈喇租庫嶺東爲喀喇租庫河又東流爲圖巴里克河又東曰雅璊雅爾河

按新省之水隨地異名本一河而有又數名徒增眩瞀此宜指定一名爲是

東爲格斯雅瑪雅爾河又東爲泰里布楚克河又東分兩支北爲罕愛里克河南爲喀拉蘇河均伏于沙磧一曰葉爾羌河二源一爲澤普澤善河一爲聽雜阿布河匯爲葉爾羌河是曰葱嶺南河澤普澤善河有三源一出蒲犁西北烏魯克恰提達坂入賽里河一出卡拉胡魯木達坂素蓋提達坂合而西流是爲玉河卽葉爾羌河又西北流福新河匯穆斯塔格河來注又北流入澤普澤善河又東北流過莎車城南爲葉爾羌又東北入麥蓋提及巴楚境聽雜阿布河一源來匯一出英艾達坂爲聽雜阿布河

西北流折而東北過葉城入莎車境又東南流入巴楚境爲資拉甫河左
與澤普澤善河匯聽雜阿布河既會澤普澤善河又東流過巴楚城又東
至噶巴克集與北河會一曰和闐河二源一出昌器滿達坂一出後藏雪
山會爲和闐河出昌器滿達坂者東北流經和闐城西墨玉城東曰哈拉
什河出後藏雪山伊西里庫爾泊者西北流經和闐城東曰玉隴哈什河
二源既匯是爲和闐河又東北流入阿克蘇境至噶巴克阿克集與葱嶺
河阿克蘇河匯阿克蘇河出烏魯山東流入烏什境爲其希布勒札蓋河
又東逕畢底爾卡倫爲畢底爾河又東畢底爾河逕烏什城南其分支北
流逕烏什北爲托什干河托什干河經烏什北合支水東南流畢底爾河
自西來匯又東流入阿克蘇境爲阿克蘇河又東分支南流爲艾柯爾河
又東南流爲渾巴什河又東又與支水會爲哈喇塔勒河又東與葱嶺河
會入塔里木河阿克蘇縣城東南三百里噶巴克阿克集合葱嶺南北河

和闐河阿克蘇河四水東流爲塔里木河

塔里木河東逕沙雅城南渭干河自北來注之又東北入尉犁境至阿拉里莊合于渭干南河又東流瀦爲六泊又東南流三百里開都河自東北合渭干北河南流來會又東南入燉羌境經流二百餘里匯于羅布淖爾卡牆河自西南來匯

新疆北路大川一曰伊犁河有三源曰特克斯河曰空吉斯河曰喀什河特克斯河源出汗騰格里山北麓入伊寧境東流經諾海托蓋山北格登山南又東逕霍洛海臺南又東北逕木尼克得山南又北流至額林哈畢爾噶山南崕吉斯河自東南來匯崕吉斯河源出南路舊土爾扈特部之阿墩庫爾雪山西北經丹布喀什山北昌曼河自東南來入之又西北流經額林哈畢爾噶山南特克斯河一源自西南來匯合西北流至雅瑪圖山北會于喀什河喀什河源出哈喇古顏山西流經十二圍場之南傍北

山又西流經齊齊爾罕托羅海又西經哈什回城南又西至雅瑪圖山北
崆吉斯河一源來匯合而西流是爲伊犁河西北流經察布察爾山北分
支南流釐爲錫伯渠又西過伊寧城南又西經熙春惠寧城南又西經惠
遠城南又西經塔勒奇城南又西經霍爾果斯縣治南霍爾果斯河南流
來匯又西出境合策集等河注于巴勒噶什泊一曰額爾齊斯河二源曰華
額爾齊斯河出阿爾泰山西南麓曰喀喇額爾齊斯河于卓斯圖錫伯圖
山麓合南流經承化南境布倫托北境折西北流入布爾津境過納林喀
喇山北布爾津河西南流注之又西北經哈巴河分縣境哈巴河西南流
注之又西北哈布干河東北流注之又西北至阿拉克別克河口出境又
西北瀦爲齋桑泊

迪化道

迪化縣

烏魯木齊河 源出迪化縣西南烏可克達坂東曰庫爾齊勒河四泉

並出曰水西溝曰陰溝曰板廠溝曰陽利渠西曰阿勒塔齊河西南

有白楊溝大西溝金廠溝凡三泉並東北流入之均北流至縣南破

城子村西會流爲烏魯木齊河又北流經城西舊滿城東又北經紅

山嘴西紅廟子東引爲鑑湖又北經七道灣西二工三工四工東又

北經古牧地西又北經固堡子東石河西又北曰太平渠又北經東

二渠西二渠之間又北經甘州工東又北經蔣家溝東俗曰老龍河

折西又北經沙子山廟東沙門子東頭道河自昌吉東北來注之又

折東北經沙門子東乾鹽池西瀦于白家海子

即古爾班托羅泊
白楊河在縣東南

達布遜海 在縣東南山麓西北距達坂城十二里

柴鄂博海

在縣東南九十里北距柴俄堡驛七里亦產鹽

圖志作鄂
門淖爾

石人子溝水

在城東四十里出泉穴北流十里經蘆草溝止不流

廟兒溝水 在城南九十里源出阿爾輝山南流二十里入吐魯番境

羊圈溝水 在城南一百里源出阿爾輝山南流二十里入吐魯番境

大東溝水 在城南一百一十里源出阿爾輝山南流入吐魯番境

小東溝水 在城南一百二十里源出阿爾輝山南流二十里入吐魯

番境

梧桐窩水 在城北六十里平地湧泉北流經下梧桐窩莊止不流

昌吉縣

羅克倫河 有二源一源出孟克圖山一源出格珊圖山東北流經昌

吉城西折西北流與呼圖壁河會

格珊圖山亦名騷呼達坂在昌吉縣南八十里

又西北入

綏來境

昌吉河 即頭屯河源出孟克圖嶺東北流經昌吉城東又東北合羅

克倫東支水潞于古爾班托羅泊

圖志今頭屯河之東曰頭工河在河東二十二里西南曰二工河在

縣治南三十里西北曰三工河在縣治北三十五里兩河既合又東北流數十里淤于白家海子

綏來縣

瑪納斯河 圖志源出縣南衛和勒晶嶺固爾班多博克一源自西南

來匯固爾沙濟海一源即清水河自東南來匯宣統己酉新疆全省

輿圖內綏來縣圖清水河自和勒晶嶺東麓北流經達子橋東至羊

腸溝西合自西南來之古爾班多博克達山水其水有三源一在金

版玉底之西二在金版玉底之東合北流經達子梁東又北經達子

橋西東灣至羊腸溝南匯清水河又東北經東三工東西涼州戶西

又東北經綏來縣城西又名龍骨河分釐爲渠東岸爲綏來境西岸

爲新設沙灣縣境實則至西樹窩子始爲沙灣又西北經楊家擺東

入綏來境

羅克倫河 羅克倫河既匯呼圖壁河西北流入綏來境經下馬橋南

義安堡北必安同安公安等堡南又西北入沙灣境

塔西河 發源綏來南山東北流經塔西河所堡西又北踰孔道止不流又東出一支北流曰橙槽渠並入沙

阜康縣

特訥格爾水 一曰水磨河源出博克達山分二支曰大西溝曰小西溝皆北流入沙在城南

三工河 在水磨河之東即德倫河在城東南源出博克達山其流分數支釐渠溉田又北逾驛道至黃土梁西北入于沙

四工河 在三工河之東

土墩子河 在四工河之東

柏楊河 在土墩子河東

黃山河 在柏楊河東接自四工河至是河皆北流釐渠溉田又北入

沙

孚遠縣

濟木薩河 源出博克達山東支北麓出山北流經四道橋東北分溉

孚遠之田至縣城南入于沙

雙岔河 出孚遠南山曰長盛渠北流經石廠溝千佛洞西又北入于

沙

見縣圖在濟木薩河之西

柳樹河 在城東北源出奇臺東北山西北流經二馬廠五戶地新六戶北道橋南入孚遠經豐盛堡大孔堰馬廠湖南折西南經破城子東至沙山口卡北入沙

大東溝水 城西南發源潘家一泉在西二泉在東合北流至三臺南入沙在雙岔河之西

二工河 在縣城西南發源當礦山之東北流經石廠溝西又北流經

無量廟老三臺西至西城莊東北入于沙

柏楊河 在城東南

奇臺縣

木壘河 城東九十里河有三源皆出祁連山陰北流三十里合爲一

水經回回溝又北五十餘里經馬連溝又北二十餘里至木壘城堡
又北十餘里分灌頭溪莊入于地

吉爾水

城東西域圖志作濟爾瑪臺布拉克

奇臺縣圖有東吉爾水
源出天山北麓北流經

馬家梁水磨溝東成莊之
東至東吉爾堡東入地

水源出西吉爾堡東當大道之南其水北

流釷渠溉田至頭畦南入地

大南溝水

當舊奇臺城南其水東北流釷渠溉田經舊城東至牛王

宮東入地

葛根河

在新縣城南有中葛根水西葛根水皆出天山北麓中葛根

水分三支西葛根水分二支皆北入于沙

永豐渠水 出天山北麓北流三十里分爲三支均入沙

吉布庫水 源出天山北麓北流至吉布庫入沙

達坂水 亦曰大板河源出天山北麓黑子爾坦北流釐渠溉田又北入沙

柏楊河 即更格爾水爲奇臺孚遠交界之水北流經耿憂爾分二支一東灣西二十戶東至商戶地南一北流至大泉均入沙

鎮西縣

昭木多河 亦曰昭莫多河出縣東之紅山西北流經孳生廠東柳條河二源合一自西南來匯之又北當沙山子西瀦爲石莊湖

水磨河 出縣東釐爲三一流逕天時莊東人和莊北一流逕地利莊

北一流逕大有莊北正流西北經縣治北又西入巴爾庫勒淖爾頭

道河自高泉湖西北溢出西北流經接官庭北又西北爲格塘湖渚
于巴爾庫勒淖爾

長家溝水 在縣城西南源出哈木耳達坂北流至蘇吉驛南伏于沙
大黑溝水 即西黑溝水源出捷達坂在城西南二十里北流至驛道
南伏于沙

小黑溝水 即東黑溝水在廳城東南

奎素水 在城東南源出南山其西曰李家溝至奎素驛南止不流

西鹽池 在城西北即唐之鹽池海西距巴爾庫勒約五里又北曰鏡
兒泉

三塘湖 城北百六十里亦鹽池之一有通歸化城商路

阿達耳干水 在城東北今阿達干嶺所出之水自東而西每水相距
五六里或十餘里東自空心窩起西至木城卡倫止曰五度溝曰大

柳溝曰小柳溝曰板房溝曰藍旗溝曰廟兒溝曰大彩溝曰喇嘛溝
曰白石溝曰樓房溝曰西牛毛泉曰半截溝曰大小紅旗溝皆南至
沙山而止

哈密縣

哈密河 出塔勒納沁嶺西域圖志塔勒納沁郭勒出塔勒納沁鄂拉

南北麓分流出山其南流分兩源經二十里合而西南行當格子烟
墩之北其北流出山亦分兩源東流界塔勒納沁德都摩垓之間行
十五里而伏西流爲長渠

按郭勒水也鄂拉山也德都摩垓西南距哈密城二百八十里

圖志塔勒

納沁之嶺哈密河源出焉其東爲必柳嶺水有二源西即鞭桿泉東
爲呼吉爾臺水呼吉爾臺在鞭桿泉東三十里皆出必柳之嶺二水
合處曰牛毛湖即諾穆湖又西南流至石城子莊與塔勒納沁河合
又西南逕哈密城東爲賽巴什湖又西南流至沙山子西有庫巴什

嶺水南流來會庫巴什嶺水有二源西源曰庫巴什湖東源曰龍王廟泉兩源合流逕哈密城西與城東之水交會即哈密河河南流匯爲小南湖又南匯爲大南湖又南折而西瀦爲大泉海子纏民決湖水溉田

土古魯水 二源出阿里鐵洛河山即雅爾瑪罕鄂拉在哈密城東三百二十里其水北流一百八十里至閘毛湖分溉營地

廟兒溝水 即太陽溝水源出城東塔什山南流逕上河莊下河莊西又南經廟兒溝卡倫東又南折西流曰乾河尾子入于沙

烏拉泉水 源出城東庫巴申圖嶺東南麓南流分三支曰芟芟臺溝曰烏拉臺溝曰阿東溝並入于沙

安吉乃水 亦出庫巴申圖嶺西麓在烏拉泉水之西

黑什瑪水 亦出庫巴申圖嶺西麓在安吉水之西